

靈寶頌教濟度金書卷之一百四十八

靈寶頌教濟度金書卷之一百四十九

洞微高士開光救苦真人審金具授
靈寶通玄弘教水滸先生林靈真編

科儀立成品新儀黃
錄卷用

第一日午朝行道儀

步虛 燒香頌

各禮師存念如法

衛靈

謠歌空洞 帝君存壇 五帝校錄 受符三官
備衛四門 東魔去姦 流鈴擲火 除穢焚殘
身佩金書 鍊液芝顏 玄虛素合 心動三關
騎龍跨鶴 控虬乘鸞 衆星守舍 千魔不干
道炁常存 萬仙悉安 和與道合具

鳴法鼓二十四通

發爐

无上三天玄元始三炁太上道君召出巨等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝開啓玄壇天帝神君當召此間
土地里域真官正神急上關啓巨今奉為入

恭意以今午朝陞壇行道願得

玉清道炁靈寶妙光下降流入巨等身中即
使玄壇清淨內外成真天無氛穢地絕枝塵
琳琅振響十方肅清萬魔不干真誠上徹令
臣所啓之誠速達徑御

太上无極大道至真玉皇上帝御首

請稱法位

具位奉行黃籙大齋法事小兆巨某與臨壇
官衆等謹同誠上啓

太上无極大道虛无自然元始天尊妙无上
帝虛皇玉晨大道君妙有上帝萬變混沌玄
元老君至真大帝諸天上帝十極高尊十方
靈寶天尊高上玉皇十方已得道大聖衆至
真諸君丈人三十二天帝君東華南極西靈
北真上宰上相上保上傳日月星宿北斗南
辰周天真宰十方无極无量品至真大神飛
天神王長生大聖无量度人君妙行真人天
真皇人三十六部尊經玄中大法師靈寶玄
一經籍度師侍經五帝玉童玉女歲德尊神
土地主執三界應感一切真靈巨聞三衆凝

妙開龍漢之玄圖七部流光垂鶴鳴之紫篆
經緯彰而神光凝日英元拱而祖炁回風金
書流演於紫陽玉宇徘徊於碧落三皇鳳篆
制玄黃以召風雲六甲麟符策陰陽而駕霄
漢流金鹿辟鳴玉真朝寶三極之根宗為羣
靈之柱石巨等承恩芝陸印步彤輝輔元敦
金石之盟頌敬勵丹青之信凡伸投告盡為
關聞

宣詞

按如詞旨備殫素爰清茅室恭罄芻蕘
驚序之陸離觀龍宸之赫奕雲階九奏翔丹
鶴於雲間月陞三成舞紫鸞於霄外奠瑤繒
而効款羅金壁以投誠蓋扶搖霓旌容與
鼓天花於四界奏鈞樂於十華霽木空歌琳
琅振浮黎之上華林耀日光明達劫仞之臺
拱至尊於光中羅羣真於象外扣頭皈命造
膝摠誠為齋主恭水淪十愆雲臻五福行契
隨心之社身符如意之祥澤被天人思沾今
古伏以金璫玉珮碧霞流二景之精翠錦珠
囊紫霧揚三華之耀飛靈光於碧漢駕華蓋

於青冥以今午朝行道請法衆等運靈初給
上香

願此香煙騰空徑上供養

无上至真道寶巨等皈身皈神皈命首體投
地仰依

太上三尊願以是功德上祝

皇帝陛下伏願帝降神靈天縱聖武提封萬
井簫韶來儀鳳之祥御宇八圓河洛啓神龜
之瑞中掖徽柔於四海東宮仁孝於三朝治
藹槐庭威行榆塞今故燒香自皈依

師尊大聖衆至真之德得道之後保天長存
和與道合真

伏以出入華房凝百神而混合周流密戶會
萬炁以回靈丹林鬱勃於神風碧幹扶搖於
聖雨以今午朝行道請法衆等運靈二檢上
香

願此香煙騰空徑上供養

无上至真經寶巨等皈身皈神皈命首體投
地仰依

太上三尊願以是功德皈流齋主恭懃恩河

潤餘慶山崇九五箕疇觀天和於啓慶十三
蕤象成地利於家庭香生潤藻之春瑞衍堦
蘭之曉獨消厄難迎迓禎祥今故燒香自皈
依

師尊大聖衆至真之德得道之後身入無形

和與道合真

伏以雲層裁裁凝紫清之帝闕風輪混混拱
玄碧之天關回一炁之周流後三光而容與
以今午朝行道請法衆等運靈三檢上香
願此香煙騰空徑上供養

无上至真師寶巨等皈身皈神皈命首體投
地仰依

太上三尊願以是功德皈流巨等
三師四友隱士高人並願華池呈妙丹谷凝
玄虎嘯龍吟湛靈光於神鼎鳥飛兔走朝玉
液於崑峯怡空山之白雲把函關之紫炁金
瞳照夜玉臉酣春今故燒香自皈依

願此香煙騰空徑上供養

師尊大聖衆至真之德得道之後升入無形
和與道合真

禮方

懺方

命魔

三啓頌 三禮

重稱法位

其位巨恭謹重誠上啓

太上無極大道元始天尊太上帝君太上老君高上玉皇十方已得道大聖衆至真諸

君丈人大帝天帝三十六部尊經玄中大法

師三界官屬一切真靈巨等冲和稟炁精粹

凝姿免逐紅塵易濶天根之妙駒馳白日徒

窺聖帝之和藉浩劫之度蒸際昌辰之道運

目眈瓊笈心佩瑤函羨林泉而身莫幽棲樂

煙霞而跡賒高蹈九思業業三省皇皇荷鴻

恩尚道青律之嚴誓蟻惻期贊玄風之運勤

拳領教激切度生今齋主某疎淪五官澄清

二炁奉紫微之寶典宣黃籙之冲科上消天

災下穰地癘蕪蕃釐於蓬華延純嘏於粉榆

宿劫迴環根塵輪轉性天雲障放鷄犬而不

求心地煙迷縱馬猿而罔繫穿石峻機關之

險笑刀藏謀策之鋒毋思利己以妨人惟念

責人而恕己外缺謙和之行內虧廉讓之風

致紀字於黑編莫刊名於青簡非憑帝監曷

十三

副民期接武仙壇按龍章而謝過承顏月陞

披鳳簡以修齋期數汪瀦之恩為洗輪囷之

咎移書五帝爾命三官不在大不在小之愆

俄然削落無私覆無私載之德蔚若包荒庶

清靜以無塵可光明而有耀陽春白雪亭亭

操寡和之音霽月光風耿耿耀超羣之趣門

庭畫永院宇春開長幼熙怡近景星之絢綵

尊卑燕喜藹霏霧之流芳倉箱盈金穀之藏

隴畝富桑麻之積詩書芳潤文獻光華道遠

道德之風自在照明之運上願乾坤寧謐日

月輝明河洛呈祥山川薦瑞來梯航於萬里

同文軌於八荒玉燭宣和疵癘不干於六炁

金穰應運旱蝗無擾於三農動植均生飛潛

樂性則上明

天尊大慈之澤下副巨等皈命之忱謹啓以

聞

發願

一願大道淡泊虛無安閑空寂澄清自居廣

開法門教導頑夫皆蒙惠澤精苦是修預以

同學皆得外虛與天相保長存無憂

二願諸天結炁澄清高虛廣覆保真固靈氣

調節序四運和平國安民豐普天閑寧廣濟

一切患速有生保劫長存億劫不傾

三願土地覆載無窮安平不陷海淪不崩保

鎮家國兆民興從養生安死惠周十方木稼

滋植管運日豐咸得厚載萬類皆從

四願日月二景高明無有亭蝕虧盈安清光

照諸天洞消暗冥保固劫運世祚和平普加

潤惠澤灑衆生

五願星辰與日月齊光轉燭照耀映朗十方

各安其位經緯直行保鎮家國無有災傷四

海寧一普天興昌

六願四時隨節推遷景炁和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱

則無為散則彌天神仙同歸結友衆真惠流

一切興國愛民普濟羣生人同劫年

八願風雨流洒無窮普加施泄受其發揚萬

物滋生國儲民豐

九願五嶽各安其方巍巍包藏長為仙宮安

鎮國祚保天無終護度一切莫不仰宗
十願江海蕩蕩無極含容恢廓無細不植淵
與柔惠潤加熇息天人獲慶年同劫石
十一願帝王國主日昌四鎮安睦兵革不揚
天人歌唱吉應來翔敷教濟濟感化洋洋兆
庶稱慶長樂未央

十二願蝗飛蠶動已生未生咸蒙安全普得
生成皆元元然受陽之形草木果林經冬不
零一切濟度靡不鮮榮和與道合真

復爐

○香官使者左右龍虎君侍香諸靈官當令臣
午朝陞壇行道之所自然生金液丹碧芝英
百靈眾真交會在此香火爐前令臣學道得
道求仙得仙齋主受福幽顯沾恩十方仙童
玉女侍衛蘭煙傳旨向來所啓之誠速達徑

御
太上元極大道至真玉皇上帝

出堂頌

靈寶頓教濟度金書卷之一百四十九

靈寶頓教濟度金書卷之一百五十

海微高士開光救苦真人審金真校

靈寶通玄私教水南先生林董其編

科儀立成品

第一日晚朝行道儀

步虛 燒香頌

各禮師存念如法

衛靈

神光朗耀 瑞帛匝旋 箕斗澄輝 芝宇晏然
玉眸金真 寶壇純乾 變夜作晝 回子午前
太華流練 丹鳳飛圓 息慮滅茲 高步祥煙
天眞並集 齊到帝前 和與道合真

鳴法鼓二十四通

發爐

无上三天玄元始三炁太上道君召出臣等
身中三五功曹左右官使者侍香金童傳言
散花玉女五帝真符真日香官各三十二人
出出者履裝關啓玄壇天帝神君當召此間
土地里域真官正神急上開啓今奉為入齋
意以今晚朝陞壇行道願得

玉清道炁靈寶妙炁下降流入臣等身中即
使玄壇清淨內外成真天無氛穢地絕林塵
琳琅振響十方爾清萬魔不干真誠上徹今
臣所啓之誠速達徑御

請稱法位

具位奉行黃籙大齋法事小兆臣某與臨壇
官眾等謹同誠上啓

太上元極大道虛元自然元始天尊妙无上
帝虛皇玉晨大道君妙有上帝萬變混沌玄
元老君至真大帝諸天上帝十極高尊十方
靈寶天尊高上玉皇十方已得道大聖眾至
真諸君丈人三十二天帝君東華南極西靈
北真上宰上相上保上傳日月星宿北斗南
辰周天真宰十方元極无量品至真大神飛
天神玉皇生大聖无量度人君妙行真人天
真皇人三十六部尊經玄中大法師靈寶玄
一經籙度師侍經五帝玉童玉女歲德尊神
土地主執三界應感一切真靈臣聞天網地
紀運祖炁於綠羅陰緯陽經耀靈光於碧落